



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 66. Eadem hæc Constitutio ad diversos Cardinales & Franciæ Episcopos  
a Pontifice transmissa.

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII. „piicant, atque ad agnitionem verita-  
 A C. 1718. „tis, viamque salutis revertantur. Po-  
 „stulant id a Te vota populorum, Re-  
 „gni tranquillitas, Regis innocentia,  
 „postulant obedientium humilitas, in-  
 „obedientium procacitas, inprimis vero  
 „postulant animarum salus, tutela Re-  
 „ligionis. Hoc ipsum & Nos non modo  
 „nostris, sed & Ecclesiæ universæ hor-  
 „tationibus, precibus, obsecrationibus  
 „impensissime postulamus.”

## §. LXVI.

*Eadem hæc Constitutio ad diversos  
 Cardinales & Franciæ Episcopos  
 a Pontifice transmissa.*

*Epist.  
 Clem. XI.  
 pag. 2307.  
 Et seqq.*

**H**anc eandem Constitutionem sum-  
 mus Pontifex die decima tertia  
 Septembris ad Melchiorem de Polignac  
 Cardinalem transmisit, eo fine, ut pa-  
 lam faceret, a se nullum prætermis-  
 sum esse paternæ charitatis officium,  
 quo dissidentes animos ad concordiam  
 & errantes ad viam justitiæ revocari  
 posse existimavit: Eapropter hunc Car-  
 dinalem rogabat, ut sicut pro mun-  
 ris sui ratione Pontifex vehementer  
 sollicitus est, ut hæc literæ eum pariam  
 fructum necessariæ tranquillitati tan-  
 toperè necessarium, qui ab hominibus  
 bonæ voluntatis maxime speratur, ita  
 ipse



ipse præcipuum ac laudabile in id <sup>Sæc. XVIII.</sup>  
 studium suum modo luculentius, quam <sup>A. C. 1718.</sup>  
 unquam alias testatum facere velit.

Pag. 701.

Jam antea die decima tertia Jose-  
 phus Langletus Sueffionensis Episcopus  
 summum Pontificem de officio erga  
 Gratianopolitanum, ut diximus Epi-  
 scopum impenso, necnon de edito suo  
 mandato certiolem reddiderat, quo-  
 circa Clemens die decima tertia Septem-  
 bris ad eundem novam suam Constitu-  
 tionem transmittens, hæc respondit.  
 „Auxit existimationem de Te nostram  
 „epistola, quam idibus elapsi Mensis  
 „Augusti ad Nos dedisti, in qua lucu-  
 „lenter confirmas, quantum tibi semper  
 „cordi fuerit, ne ulla gregis tui pars  
 „pravæ opinionum abrepta studio a  
 „veritate auditum averteret, neve fin-  
 „gens sibi laborem in præcepto, debitam  
 „Beati Petri Cathedræ subjectionem  
 „subdolis, ac prorsus execrandis arti-  
 „bus declinaret, quove etiam Zelo hisce  
 „præsertim temporibus incumbas, ut  
 „contumaces & Refractarii pastorali tua  
 „charitate, patientia, doctrina, & offi-  
 „ciis excitati, ad justitiæ tandem se-  
 „mitam revertantur. Monitum vero  
 „typis impressum, quod literis tuis ad-  
 „junctum ad Nos misisti, eodem, quo  
 „illæ abunde scatent, spiritu refertum  
 „esse, magnumque proinde Nobis ex  
 „ipius

A a a 5



Sæc. XVIII. „ipsius sedula lectione (cum primum  
 A. C. 1718. „datum fuerit) gaudium oriturum non

„dubitamus. Quamvis autem pro ex-  
 „plorato habeamus, in his rebus non  
 „aliud tibi propositum, constitutumque  
 „fuisse, nisi ut ministerium tuum impleas,  
 „eamque tibi compares retributionem,  
 „quam reddet unicuique pro merito-  
 „rum mensura Dominus in illa die ju-  
 „stus Judex; verumtamen virtutem  
 „tuam Pontificia, ac sane uberi, ac  
 „prorsus debita laude carere non parti-  
 „mur. Cæterum, quo alacrius Fra-  
 „ternitas tua initam viam tenere per-  
 „gat, mentemque in hoc gravissimo ne-  
 „gotio nostram usquequaque persepe-  
 „ctam habeat, exemplum tibi mitti-  
 „mus Apostolicarum literarum nuper-  
 „rime a Nobis editarum adversus eos,  
 „qui Constitutioni nostræ *Unigenitus*,  
 „congruam obedientiam exhibere ha-  
 „ctenus detrectarunt, vel in posterum  
 „detrectaverint: minime dubitantes  
 „Te sensibus vestigiisque nostris ea con-  
 „stantia inhæsurum esse, ut & nomi-  
 „ni tuo major, in dies solidæ gloriæ  
 „cumulus & paterno cordi nostro non  
 „justissimi solatii materia præbeatur.

Pariter Pontifex eadem die ad Car-  
 dinales Rohanium & Bissyum præfata  
 Constitutionis exemplar misit, horum-  
 que primo in suis literis significavit  
 quod



quod post longissimam patientiam non tam ad puniendos, quam ad viam salutis revocandos renitentes severitate usus sit, quin tamen paternam charitatem, quam ipse Cardinalis in suis literis anno priori decima Julii se agnovisse testatus fuisset, exuerit, de cetero autem speret, quod hic Cardinalis eo studio, quo olim Constitutionem *Unigenitus* statim acceptavit, pariter hujus integram & universalem in Gallis executionem procuraturus sit: In epistola autem ad Bissyum data Pontifex eidem exposuit rationes, ob quas die octava Septembris hanc Bullam edidisset, & quidem I. quia eadem die occurrebat festum Nativitatis B. V. M. de qua canit Ecclesia: *cunctas hæreses sola interemisti in Universo mundo*. II. Quia illa abhinc die, quinque præterfluxerint anni, a quibus spatio ad subjectionem sat prolongato Bullam *Unigenitus* promulgaverat. III. Quia eadem die finitæ erant trium Mensium induciæ, quas idem Cardinalis in sua die vigesima tertia Maij data epistola petierat.

Quoniam vero Appellantes pro more suo in vulgus sparsissent, quod Joannes Henricus Antonius Episcopus Bellovacensis a castris veritatis ad rebellionis signa desciverit, hujus vero rumoris falsitatem ex ipsius hujus Præsulis

lite-

Sæc. XVIII.  
A. C. 1718.



Sæc. XVIII. literis die quarta Septembris Romam missis Papa edoctus erat, hinc ad eundem Episcopum novæ Constitutionis exemplar transmisit, eumque incitavit, ut iis, quæ fors in ejus Diæcesi adhuc corrigenda supersint, protinus emendatis, luculentiora in dies eximie virtutis suæ argumenta dare velit. Denique die prima Octobris ad Jacobum Arelatensem Archiepiscopum, qui de silentio per Regentem imposito suis literis die quinta Decembris anno prioris datis querebatur, Pontificis responsum ad eundem Regentem unacum novæ Constitutionis literis transmisit.

## §. LXVII.

*Noaillii Cardinalis appellatio solemniter promulgata.*

*Acta publ.*  
*Const. p. 426.*  
*Dorlan. l. c.*  
*pag. 430.*  
*Merc. Off.*  
*pag. 441.*

Postquam Cardinalis Noaillius Pontificis Constitutionem Romæ promulgatam, & per totum Regnum divulgatam compererat, proin se ab Ecclesiæ & fidelium communiione segregatum viderat, die vigesima tertia Septembris Regium Regni Moderatorem accessit, eidem exponens, quod in præsentis rerum vicissitudine, ut suam appellationem publicam faceret, compulsus esset: cum vero Pontificem, & Rohanium Cardinalem instituros præ-